

آبونه شرايطي : هر يک ايچون
سنه لکي (۴۰۰) آلتی آيلنی
(۲۲۵) ؛ ممالك اجنييه ايچون
سنه لکي (۴۵۰) ، آلتی آيلنی
(۲۵۰) غروشدرد.

نسخه سي ۷,۵ غروشدرد .
سنه لکي ۵۲ عددرد .

اداره خانه : باب عالي جاده سنده
رشيد افندی خاندند

اخطارات

آبونه بدلی پشيندرد .

مسلكه موافق آثار مع المنونيه
قبول اولتور . درج ايدله ن
يازير احاده اولتماز .

تكملة المسالك

اداره سي سديانده آيلنيجه
غروش كوندردمليدرد .

مكتوبلرك امضاري واضح
واوقوناقلي اولسي وآبونه
صره نومروسني محتوي
بولونمسي لازمدر

ممالك اجنييه ايچون آبونه
اولانلرك آدرسليرينك
فرانسزجه يازلسي رجا اولتور .

ياره كوندردلديكي زمان نهيه
داثر اولديني بيلديرلسي
رجا اولتور

سلمه السلام حرکت ایدیور. مملکتک رأینی آلفه زوم کورمه یور. ده مو فراسیده بوکی حرکتله اصلا و قطعا مساع یوقدر. معارف وکیلک اجتہادی کندیجه صواب اوله بیلر. فقط مملکتک حیسانه تعلقی ایدن خصوصات برکشی نک تقدیرینه برقیله ماز. چونکه ضرر ویا فائده وکیل وناظرک شخصه دکل، مملکتک هیئت مجموعه سنه تائدر.

حکومت مسلکک حریت افکارینه اوزالندن سیرجی اولمالی. بونلره اجرای نفوذ اولسون، ساده جه برمداخله ویا بروصایت اولسون جائز دکلدر. تورکیه بی روحی و فکری اسارتدن تخلص ایتلی. توزکری بو آنقدر هر مسلکده کبری برافان بو اسارت منویه در، تعبیر دیکرله وصایتدر. *

قانونیک پاپاسلرینک ضرر-منافعیه و شرعی و غیره

آطنه ده انتشار ایدن «تورک سوزی» غزته سی یازیور:

بیرونده میسیونرل طرفندن (صدیقه و محامیه) (مباحث المجتهدین فی الخلاف بین النصاری و المسلمین) نامرله قانونیک مطبوعه سنده طبع ایدلش ایکی کتاب نشر ایدلشدر. ۳۶۰ صحیفه لک (صدیقه و محامیه) نامنده کی کتابدن اوافق بر فقره بی هیئت ترجمه ایدیور. کتابلرک مؤلفی راهب بطرس غالب اسلامله خطاباً شویله دیور:

«ای اسلام! یا بابا وده ده لکیزک دینی اولان خرسیتیانلغه عودت ایدیکن، یاخود صلیک شو مقدس طویراقلرینی ترکله دفع اولوب کیدیکن. اساساً کلیسا اولوب بوکون جامع اولان اسکی عبادتگاهلرینی بوشالتیکز» دیکر بر فقره سنده ده هیئت شوهرزه بی صاوریدیور:

«صلیبون اردولرینی تارمار ایدن یرموک» [۱] محاربه سنده صالانمش حرب قلیچلرینک آجیسنی، انتقامی جنرال خورونک قلیچی «میسلون» [۲] محاربه سنده بلغا مابلغ آلمشدر.

(مباحث المجتهدین فی الخلاف بین النصاری و المسلمین) عنوانی ایکنجی کتاب دها زهرناک تجاوزلر و تحقیرلرله دولودر. مؤلفی پاپا دیورکه:

«بوکتابه ردیه یازمق برمسلمان تصور ایدم. بالعکس بونی اوقویاجق اسلامله هر حالده خرسیتیانلغه دونه جکدر.»

اک غریبی شودرکه بوکتابلری جیل لبنان منطقه سنده اهالی به بر سوریه لیراسنه جبراً ساتدیران فرانسه ژاندارمه لیدر.

بوکتابلرک نشری اوزرینه سوریه ده بویوک برخلیان باشلامشدر.

ارتجاع دینیه نه قصد ایدیورلر

بوکلگی ایکیده براستعمال ایدوب طورانلرک بوندن نه قصد ایتدکاری صراحتاً آکلاشیله مایوردی. دها زیاده، موجود بر شکل سیاسی به تقدم ایدن شکل اداری به رجوع معناسنده استعمال ایدیلدیکی ظن ایدیلیوردی. واقعا بمضیلرینک بوکلهدن دها شمولی بر معنی قصد ایتدکاری استدلال اولونیوردی. فقط مضمرلرینی لاستیکلی افاده لر

[۱] صحابه کزیندن خالد بن الولید و ابو عبیده بن الجراحک تحت قوماندانلرله بولونمش اولان ۳۲ بیک مجاهدین یوز بیکارجه متجاوز صلیب اوردوسنی محو ایتش ایدی.

[۲] فیصلک شامده کی موهم تاج و تختک ده ورلسنه سبب اولان شام ایله بیروت آرهنده کی میسلونه موهم محاربه سیدر.

آلته کیزله دکلرندن مقصدلرینک نه اولدیفنه قطعی و واضح صورتده حکم اولونه مایوردی. اخیراً آقشام غزته سی بوکلگی غایت آجیق بر صورتده تعریف ایتش اولدیفنی ایچون شیمدی ارتجاع دن بحث ایدنلرک نه دیمک ایسته دکلری پک کوزل آکلاشیلمش اولیور. توحید افکار رفیقمنز آقشامک دانسلر حقنده بررینه تمامیله ضد اولان ایکی مقاله سی بان یانه قوبدیفنی ایچون حده کان آقشام، توحید افکاره هجوم ایتدیکی صروده دیورکه:

«توحید افکارک مسلکی محافظه کارلق دکل، ارتجاعدر، محافظه کاتی، هر آنیلان آدمی محافظه ایتک، سرعتله ایلری کیتمه مک، فقط هیچ کری دوئمه مکدر. حال بوکه توحید افکارک غایه سی لااقل اوج درت عصر اولکی زمانه، صدر اسلام عادات و قوانینه، شرع شریف دورینه رجوع ایتکدر، بوکا تام معناسیله (ارتجاع) دیرلر. هر شیشه کندی اسنی ویره لم که ذهنلر قاریشاسن.»

توحید افکارک مسلکی اومی، بومی، هر نه ایسه بونک ایضاحی بالطبع کندیسنه تائدر. بالکنز بزم قید ایتک ایسته دیکمنز جهت، (ارتجاع) دن «صدر اسلام عادات و قوانینه، شرع شریف دورینه رجوع، مضامی قصد ایدیلدیکی در. شیمدی به قدر ایلک دفعه اولقی اوزره درکه بوکلله بوقدر آجیق بر صورتده تعریف ایدیلیور. دیمک که ارتجاعه قارشى سوز سویله یئلر، صدر اسلام عادات و قوانینه، شرع شریف دورینه هجوم ایدیورلر مش. صدر اسلام عادات و قوانینه نه در؟ قرآن وحدیثدن باشقه بر شی میدر؟ بالخاصه «صدر اسلام» قیدله طوغرودن طوغرویه قرآن وحدیث قصد ایدیلدیکی واضحاً آکلاشیلیور. آقشام یوقاریده کی فقره سندن سوکره «محافظه کارلق جوقای برمسکلدر. قدرینی تنزیل ایتیه لم، دیور. بونکله شونی دیمک ایسته یورکه: توحید افکار کندی مسلکی محافظه کار عد ایدیور، فقط «صدر اسلام عادات و قوانینه» طرفدارلق کوسترمله محافظه کارلنک قدرینی تنزیل ایدیور. دیمک اصل شایان تقییح اولان، «صدر اسلام عادات و قوانینه، شرع شریف» در.

بر انسان «صدر اسلام عادات و قوانینه» یعنی قرآن وحدیث طرفدار اولقله بونلرک نظرند. بوتون مسلکک قدرینی تنزیل ایدن بر مجرمدر! هر تجمعملرک حق کلامی اولمادیغه کوره صدر اسلام عادات و قوانینه، یعنی قرآن وحدیث طرفدار اولانلرک دیلری کسلیمک ایجاب ایدمک! احوالده آقشامجیلرک بو عملیه به بویوک ملت مجلسندن باشلاملری لازم کله جک. چونکه «دولتمزک دینی دین اسلام اولدیفنی واحکام شرعی بی تنفیذ و اجرا ایدمک» قانون اساسی به اونلر یازدی. اوندن سوکره اللرنده قرآن وحدیث بولوندورانلرک جمله سی ده مرتجع و مجرم دیبه اعلان ایتلی. بولشه ویکلر اللهی اعدامه محکوم ایتدیلر! آقشامجیلرده قرآن! و بیغمبری اعدامه محکوم ایدرلر سه آرتیق قزیل بایراغک غالبیت قطعی سی احراز ایدیلش اولور...!